

vnd erbawliches/aus Gottes heiligem vnd allein seligmachenden Wort mit einander zuvor anhören/vnd vernemen. Demnach/so wollen wir jeso in der Furcht des HErrn nach Anleitung der verlesenen Wort / auff nachfolgende zwey Punctlein achtung geben:

Für Eins / was von einem rechtschaffenen trewen Lehrer vnd fürnemen Theologo sonderlich erfordert werde / vnd was für Eigenschafften bey ihme seyn/ vnd gefunden werden sollen.

Fürs Ander / was ihn zu schuldigem Fleiß in seinem Ampt vnd Beruff für allen dingen anreizen vnd bewegen solle.

Von diesen beyden Punctlein wollen wir etwas auff's aller kürzest vnd einfeltigst mit einander reden vnd hören. Ewer Christliche Liebe bereite ihre Herzen vnd Ohren / zu fleissiger / andächtiger / beharrlicher Auffmerckung. Der getrewe barmherzige Gott verleihe vns allen die Gnaden Kraft des heiligen Geistes / vmb seines geliebten Sohns Jesu Christi vnsers HErrn vnd Heylandes willen/Amen.

### Erster Theil.

**A**langend nun/ meine Geliebte im HErrn den ersten Punct/so hat der HErr Jesus in seiner Valetpredigt ihme höchlich angelegen seyn lassen/seine liebe Jünger vnd Apostel nicht allein auff's frefftigste vnd beweglichste zu trösten/weil er gewust/das sie vber seinem Hingang zum Vater vber alle massen hoch sich betrüben theten : Sondern er hat auch auff's aller fleissigste sie vnterwiesen vnd vnterrichtet / wie sie in ihrem Ampt/auch in allem fürfallenden Creuz vnd Anfechtung sich bezeigen vnd verhalten / wie sie in der Liebe gegen ihm / gegen seinen

nen